



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Broj: 06-45-4794/25
Sarajevo, 28.05.2025. godine

Na osnovu člana 70. Zakona o organizaciji organa uprave u FBiH („Sl. novine FBiH“ br. 35/05), a u vezi sa članom 70. stav (1) i stav (3) Zakona o javnim nabavkama („Sl. glasnik BiH“ br. 39/14, 59/22 i 50/24), nakon provedenog postupka javne nabavke roba putem Konkurentskog zahtjeva za dostavu ponuda, a na osnovu Preporuke komisije za javne nabavke broj: 06-45-4771/25 od 28.05.2025. godine i Izvještaja Komisije za javnu nabavku, direktor Zavoda za izgradnju Kantona Sarajevo **d o n o s i** :

O D L U K U
o izboru najpovoljnijeg ponuđača

1. U skladu sa članom 64. stav (1) tačka b) Zakona o javnim nabavkama („Službeni glasnik BiH“ broj 39/14, 59/22 i 50/24) ugovor u postupku javne nabavke „**Nabavka AutoCAD licenci**“ dodjeljuje se ponuđaču **BHS informatika d.o.o. Sarajevo** sa cijenom ponude u iznosu od **20.500,00 KM bez PDV-a**, popust 0,00 KM, PDV 17 % 3.485,00 KM, odnosno u ukupnom iznosu od **23.985,00 KM sa PDV-om**, obzirom da je podnio prihvatljivu ponudu sa najnižom cijenom.
2. Ponuda ponuđača **GEOINOVA d.o.o. Banja Luka** se odbacuje u skladu sa članom 68. stav (4) tačka i) Zakona o javnim nabavkama („Službeni glasnik BiH“ br. 39/14, 59/22 i 50/24).
3. Ova Odluka objavit će se na web-stranici <http://zik.ks.gov.ba>, Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.
4. Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, zajedno sa Zapisnikom o ocjeni ponuda broj: 06-45- 4759/25 od 28.05.2025. godine u skladu sa članom 71. stav (2) Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 06-45-4300/25 od 14. 05. 2025. godine, Zavod za izgradnju Kantona Sarajevo je pokrenuo postupak javne nabavke, pripremio tendersku dokumentaciju, objavio Obavještenje o nabavci broj: 285-7-1-35-3-11/25 na portalu javnih nabavki i objavio tendersku dokumentaciju u postupku javne nabavke „**Nabavka AutoCAD licenci**“ na Portalu javnih nabavki u skladu sa članom 53. stav (2) Zakona o javnim nabavkama BiH („Službeni glasnik BiH“ br. 39/14, 59/22 i 50/24) i članom 8. stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ br. 80/22).

Vrsta postupka javne nabavke: Konkurentski zahtjev za dostavu ponuda

Procijenjena vrijednost javne nabavke iznosi 20.700,00 KM bez PDV-a.

Javna nabavka „**Nabavka AutoCAD licenci**“ oglašena je u „Službenom glasniku BiH“ broj: 30/25 od 23.05.2025. godine.

Krajnji rok za prijem ponuda bio je: 26. 05. 2025. godine do 12:30 časova.

Komisija za javnu nabavku se sastala dana 26.05.2025. godine u 13:00 sati, radi preuzimanja i otvaranja ponuda u postupku javne nabavke: „**Nabavka AutoCAD licenci**“, koju su podnijeli sljedeći ponuđači:

-**GEOINOVA d.o.o. Banja Luka**, cijena ponude bez PDV-a 20.700,00 KM bez PDV-a, popust 0,00, PDV 17% 3.519,00 KM, ukupno 24.219,00 KM

-**BHS informatika d.o.o. Sarajevo**, cijena ponude bez PDV-a 20.500,00 KM bez PDV-a, popust 0,00, PDV 17% 3.485,00 KM, ukupno 23.985,00 KM



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Komisija je otvorila ponude navedenih ponuđača i iz „Obrasca za cijenu ponude“ i „Obrasca za ponudu“ pročitala ponuđene cijene ponude, dok su uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.

Na otvaranju ponuda nije bilo ovlaštenih predstavnika ponuđača što je konstatovano u zapisniku sa otvaranja ponuda.

Komisija je istog dana na zatvorenom sastanku provjerila računsku ispravnost ponuda i izvršila pregled dostavljenih ponuda da bi utvrdila da li su ponuđači ispunili uslove iz člana 45. do 52. Zakona o javnim nabavkama („Službeni glasnik BiH“ br. 39/14, 59/22 i 50/24), kao i da bi utvrdila da li su ponuđači dostavili tehnički zadovoljavajuću ponudu u skladu sa zahtjevima iz tenderske dokumentacije i da li su kvalifikovani za izvršenje predmetnog ugovora.

Komisija je utvrdila da su ponude ponuđača GEOINOVA d.o.o. Banja Luka i BHS informatika d.o.o. Sarajevo računski tačne.

-Prilikom pregleda i ocjene ponuda Komisija za javnu nabavku je utvrdila da ponuđač **GEOINOVA d.o.o. Banja Luka** u sastavu ponude nije dostavio Potvrdu/ovlaštenje proizvođača da je ponuđač ovlašten distributer Autodesk proizvoda, kako je traženo tačkom 13.3.a) tenderske dokumentacije, u svrhu dokazivanja tehničke i profesionalne sposobnosti ponuđača, kao i tačkom 14.f) tenderske dokumentacije kojom je propisano da ponuda mora sadržavati f) Potvrda/ovlaštenje proizvođača da je ponuđač ovlašten distributer Autodesk proizvoda u skladu sa tačkom 13.3.a) tenderske dokumentacije.

Ponuđač GEOINOVA d.o.o. Banja Luka je na strani 51 ponude dostavio Potvrdu distributera, međutim u ponudi ponuđača GEOINOVA d.o.o. Banja Luka nije dostavljena Potvrda/ovlaštenje **proizvođača** da je ponuđač ovlašten distributer Autodesk proizvoda.

Tačkom 13.3. tenderske dokumentacije je propisano:

Što se tiče tehničke i profesionalne sposobnosti iz članova 48. i 49. Zakona, ponuđači trebaju ispuniti sljedeće minimalne uslove za kvalifikaciju:

a.) da je ponuđač ovlašten distributer Autodesk proizvoda.

Ocjena tehničke i profesionalne sposobnosti ponuđača će se izvršiti na osnovu dostavljanja sljedećih dokaza koje su ponuđači dužni dostaviti u ponudi:

a) **Potvrda/ovlaštenje proizvođača** da je ponuđač ovlašten distributer Autodesk proizvoda (obična kopija)-Ukoliko je navedena potvrda/ovlaštenje na stranom jeziku, ponuđač je u ponudi dužan **uz** potvrdu/ovlaštenje dostaviti i prevod na jedan od službenih jezika u upotrebi u BiH, ovjeren od strane ovlaštenog sudskog tumača za jezik sa kojeg je prevod izvršen (obična kopija).

Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja navedenog uslova.

S obzirom da ponuđač **GEOINOVA d.o.o. Banja Luka** u ponudi nije dostavio dokument tražen tenderskom dokumentacijom, ponuda navedenog ponuđača se odbacuje u skladu sa članom 68. stav (4) tačka i) Zakona o javnim nabavkama kojim je propisano da je Ugovorni organ dužan da odbaci zahtjev za učešće ili ponudu u slučajevima kad:

i) **ponuda nije potpuna i ne ispunjava zahtjeve iz tenderske dokumentacije.**

S obzirom na navedeno, odlučeno je kao u tački 2. dispozitiva ove Odluke.

-Prilikom pregleda i ocjene ponuda, Komisija za javnu nabavku je utvrdila da je ponuđač **BHS informatika d.o.o. Sarajevo** dostavio tehnički zadovoljavajuću ponudu u skladu sa zahtjevima iz tenderske dokumentacije i ispunio sve uslove iz prava učešća propisane članom 45. do 52. Zakona o javnim nabavkama („Službeni



glasnik BiH br.39/14 , 59/22 i 50/24) kako je traženo tenderskom dokumentacijom, te je ponuda navedenog ponuđača, **prihvatljiva**.

Tenderskom dokumentacijom je propisano da je kriterij za dodjelu ugovora najniža cijena i predviđeno je provođenje e-aukcije.

S obzirom da je samo jedna prihvatljiva ponuda Ugovorni organ nije zakazao, niti proveo e- aukciju, a u skladu sa Pravilnikom o uslovima i načinu korištenja e-aukcije („Službeni glasnik BiH, br. 80/23), kojim je u članu 4. stav (2) propisano: „U slučaju prijema jedne prihvatljive ponude e-aukcija se ne zakazuje“.

Nakon izvršene ocjene ponuda Komisija predlaže Ugovornom organu da se:

U skladu sa članom 64. stav (1) tačka b) Zakona o javnim nabavkama („Službeni glasnik BiH“ br.39/14,59/22 i 50/24) ugovor u postupku javne nabavke roba „**Nabavka AutoCAD licenci**“ dodijeli ponuđaču **BHS informatika d.o.o. Sarajevo** za ponuđenu cijenu u iznosu od **20.500,00 KM bez PDV-a**, popust 0,00 KM, **PDV 3.485,00 KM, odnosno u ukupnom iznosu od 23.985,00 KM sa PDV-om**, s obzirom da je u predmetnom postupku ponudio prihvatljivu ponudu sa najnižom cijenom.

Komisija je sačinila Zapisnik o ocjeni ponuda broj: 06-45-4759/25 od 28.05. 2025. godine, koji je sastavni dio ove Odluke i koji se dostavlja svim učesnicima u predmetnom postupku javne nabavke.

Shodno svemu navedenom odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa. Žalba se izjavljuje u pisanoj formi direktno na Protokol ugovornog organa ili preporučenom poštom, u roku od 5 (pet) dana od dana prijema ove odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 750,00 KM.

Dokaz o plaćenju naknade za pokretanje žalbenog postupka u navedenom iznosu, na osnovu kojeg se može nesumnjivo utvrditi da je transakcija izvršena i kopija bankovnog izvoda računa sa kojeg je izvršeno plaćanje, obavezno se dostavljaju Ugovornom organu u roku za izjavljivanje žalbe.

Pripremila: Alma Marič, dipl.pravnik

Kontrolisala: Vildana Zeba Viteškić, dipl.pravnik

Direktor:

Belma Barlov, dipl.ing.arh.



DOSTAVITI:

1.BHS informatika d.o.o. Sarajevo, putem e-maila: info@bhsi.ba;

2.GEOINOVA d.o.o. Banja Luka, putem e-maila: autodesk@geoinova.com;

